

**PERTANYAAN DEWAN RAKYAT**

**PERTANYAAN : LISAN**  
**DARIPADA : YB. DATUK JUMAT BIN IDRIS**  
**KAWASAN : SEPANGGAR**  
**TARIKH : 12 NOVEMBER 2014, RABU**

**SOALAN:**

**YB. DATUK JUMAT BIN IDRIS (SEPANGGAR)** minta **MENTERI KERJA RAYA** menyatakan apakah status cadangan membina jalan Outer Ring Road di Kota Kinabalu yang telah diumumkan oleh pihak Kementerian dalam sidang Parlimen yang lalu.

## **JAWAPAN:**

Tuan Yang Di-Pertua;

Sebagaimana Ahli Yang Berhormat sedia maklum, kementerian ini telah mengenal pasti cadangan projek membina Jalan Kota Kinabalu Outer Ring Road sepanjang 50 kilometer.

Skop projek ini termasuk menaik taraf Jalan Tun Fuad Stephens atau Jalan Pesisir Pantai Kota Kinabalu sepanjang 10 kilometer dan membina 4 persimpangan bertingkat di laluan tersebut, iaitu menaik taraf Jalan Lintas, Kota Kinabalu dan menaik taraf Jalan Sulaman / Universiti Malaysia Sabah (UMS). Cadangan projek *Jalan Kota Kinabalu Outer Ring Road* ini akan dilaksanakan secara berperingkat berikutan ia melibatkan kos yang tinggi, iaitu dianggarkan sebanyak RM1.11 bilion.

Kerajaan setakat ini telah meluluskan peruntukan sebanyak RM262 juta untuk skop menaik taraf Jalan Lintas, Kota Kinabalu dalam RMKe-10 ini. Pada masa kini kementerian ini sedang menunggu kelulusan daripada Kementerian Kewangan untuk melantik kontraktor yang terlibat. Berdasarkan perancangan, projek menaik taraf Jalan Lintas, Kota Kinabalu ini dijangka akan memulakan pembinaan pada bulan Februari 2015.

Sekian. Terima kasih.

**NO. SOALAN: 46**

**PEMBERITAHUAN PERTANYAAN BAGI JAWAB LISAN  
DEWAN RAKYAT**

**PERTANYAAN : LISAN**

**DARIPADA : PUAN ALICE LAU KIONG YIENG [ LANANG ]**

**TARIKH : 12 NOVEMBER 2014**

**RUJUKAN : 7207**

**SOALAN:**

**Puan Alice Lau Kiong Yieng [ Lanang ]** minta **MENTERI DALAM NEGERI** menyatakan :-

(a) jumlah kes 'mesin kuda' (judi haram) yang telah dirampas PDRM sejak 2008 hingga September 2014; dan

(b) jumlah kes yang telah disiasat dan jumlah kes yang telah diambil tindakan mahkamah dan perancangan Kerajaan untuk membanteras semua kes judi haram termasuk 'mesin kuda' di Sibu dan Sarawak.

## JAWAPAN:

Tuan Yang di-Pertua,

Bagi menjawab soalan (a), pihak PDRM, khasnya Jabatan Siasatan Jenayah amat peka dan sensitif kepada isu-isu berkaitan perjudian haram terutama yang melibatkan mesin kuda di seluruh negara. Jabatan ini sentiasa memantau dan menjalankan operasi secara terancang dan berterusan dalam menangani masalah ini.

Statistik jumlah rampasan mesin perjudian bagi seluruh Malaysia bagi tahun 2008 sehingga 2014 (Ogos) adalah seperti berikut:

KONTINJEN	JUMLAH RAMPASAN MESIN KOMPUTER						
	2008	2009	2010	2011	2012	2013	2014
K/LUMPUR	5127	9379	14411	15048	12293	9016	17172
SELANGOR	19059	25008	28823	20565	29924	28788	46097
JOHOR	8541	4567	7203	25487	37488	9081	2819
P/PINANG	1352	5257	3410	9496	7997	5940	6174
PERAK	1700	2401	4871	11900	11516	5684	5326
SABAH	954	1057	1393	2145	3171	3686	2567
PERLIS	0	1	0	0	0	6	0
KEDAH	1206	2062	2088	5281	8753	10637	4886
N/SEMBILAN	16	690	2088	5955	7871	3325	3002
MELAKA	2	0	32	487	2592	1466	2907
PAHANG	396	880	804	2620	10639	8838	12638
TERENGGANU	0	1	0	0	7	0	0
KELANTAN	0	0	24	0	89	0	28
SARAWAK	19	13	41	273	2477	3647	3747
JUMLAH	38372	51316	65188	99257	134817	90114	107363

Bagi menjawab soalan (b), statistik jumlah serbuan dan pendakwaan premis mesin perjudian tempoh tahun 2013 dan 2014 (Ogos ) adalah seperti berikut:-

KONTINJEN	JUMLAH KES		TUDUH / JATUH HUKUM				DNA / DNAA / NFA / KUS		DALAM SIASATAN / PAKAR	
			SEK 4B ARJT 1953		SEK.5(2) ENAKMEN HIBURAN					
	2013	JAN-OGOS 14	2013	JAN-OGOS 14	2013	JAN-OGOS 14	2013	JAN-OGOS 14	2013	JAN-OGOS 14
K/LUMPUR	636	821	122	0	34	216	52	86	428	519
SELANGOR	1775	2444	1045	491	38	101	60	92	632	1316
JOHOR	451	134	1	0	282	40	17	20	151	74
P/PINANG	424	393	0	0	209	219	10	8	205	227
PERAK	408	296	36	10	32	16	1	4	339	266
SABAH	239	218	28	21	11	9	0	1	200	187
PERLIS	1	0	0	0	0	0	0	0	1	0
KEDAH	747	366	364	0	0	199	111	1	272	166
N/SEMBILAN	212	175	1	0	77	47	68	32	66	106
MELAKA	157	180	0	13	39	16	0	19	118	132
PAHANG	498	476	104	122	36	57	57	32	301	265
TERENGGANU	0	0	0	0	0	0	0	0	0	0
KELANTAN	0	2	0	2	0	0	0	0	0	2
SARAWAK	315	532	0	140	75	0	8	0	232	392
JUMLAH	5863	6037	1701	799	833	920	384	295	2945	3652

Beberapa langkah baru yang diambil oleh pihak PDRM untuk mengesan serta membanteras kegiatan yang dijalankan oleh orang-orang perseorangan dan juga sindiket yang boleh menjejaskan imej negara. Antara langkah-langkah yang dijalankan ialah:-

- i) Memperhebatkan tindakan tegas pembanterasannya kegiatan mesin perjudian berkomputer (Op Dadu Khas) dengan tumpuan dan skala yang lebih besar di seluruh negara.

- ii) Kementerian dalam perancangan untuk menubuhkan pasukan khas di peringkat Bukit Aman bagi membasmi masalah perjudian secara lebih berkesan. Penubuhan pasukan khas dengan kekuatan seramai 200 orang pegawai dan 30 orang kakitangan awam akan membuat serbuan dan pemeriksaan pusat-pusat yang menganjurkan perjudian di seluruh negara. Pasukan Khas yang dikenali sebagai Skwad Taktikal Khas 3 (Perjudian, maksiat dan kongsi gelap) dijangka akan mula beroperasi pada bulan Disember nanti.**
- iii) Pihak Kementerian telah menyediakan satu nota makluman dalam mesyuarat Menteri Besar dan Ketua Menteri tentang keperluan tindakan bersepadu antara pihak Berkuasa Tempatan (PBT) dengan pihak PDRM untuk mengekang kegiatan perjudian memandangkan pihak PBT mempunyai budi bicara bagi meluluskan dan membatalkan premis dan lesen untuk perniagaan “cybercafé” di kawasan pentadbiran masing-masing.**
- iv) Kerjasama dengan pihak Tenaga Nasional Nerhad (TNB) dan pihak pembekal air akan dipertingkatkan lagi untuk tindakan permotongan bekalan elektrik dan bekalan air terhadap premis yang degil dan masih mengulangi kesalahan yang sama.**

- v) Pihak Kementerian sedang mengkaji tindakan alternatif akan diambil di bawah Undang-Undang Pencegahan Jenayah (POCA) jika tiada keterangan yang kukuh untuk dituduh di Mahkamah terhadap individu atau sindiket yang mengajurkan perjudian haram.

Usaha dan tindakan yang diambil oleh polis melalui operasi (Op Dadu) yang dilakukan secara agresif dan berterusan dilihat dapat mengekang gejala ini dari terus berlaku, namun demikian usaha ini tidak akan berjaya sepenuhnya tanpa ada penglibatan daripada orang ramai dalam menyalurkan maklumat kepada pihak polis di samping orang ramai perlu menghindari aktiviti yang tidak sihat ini. Aktiviti perjudian akan terus wujud jika ada permintaan daripada masyarakat.